

裏捧金樽

和胡講師韻

重陽真人尋友東遊甯海三髻懶漢選仙西訪長安長安大道
如何者哉堪放落魄宜棄嬰孩既通玄趣當補形骸抽添運用
次叙挨排飛鳥走兔雙戲俱皚煙消火滅銳挫強摧斷除煩惱
洗滌塵埃心無染著齒免齷齪金花要賞玉樹栽培火生慧草
水長靈蔘常教靈焰潑潑無令神水漬漬常教命燈明朗無令
性燭沈埋尋訪同心同德講論有倚有挨三尸拜降方寸六賊
難會九垓要斡旋壺中日月須倒顛洞裏山隈得自然愛慾星
散得自然人我星睡大藥清靈於玉鼎胎仙歌舞於瑤臺堪嘆
道藏輯要

洞玄金玉集

四

胃集六
X。8

利名之切切堪嘆生死之哀哀好把塵緣大家勘破休教走骨
時暫狂乖決要鍊形如同槁木決要降心有若死灰異日丹成
九轉攜雲同赴蓬萊

立身法

立身之法分明說破意馬牢擒心猿緊鎖戒斷慳貪伏降人我
節慎語言提防口過莫起風波休生煙火忙裏偷閑閑中趁趁
修仁蘊德消災滅禍退已進人亦成仙果

十了功乃內事非眼前境界真清真淨自然得之

頂中霞彩流眼中光明流耳中沖和流鼻中玉柱流口中甘津
流心中真火流臍下黃河倒捲流木金隨波運轉流自然天地

兩交流十分功滿性風流

聯句

擺脫名韁三鳥客掣開利鎖十洲仙
長生路徑當修補不死根
芽好鍊烹修心要做長生客
鍊性當爲活死人鍊氣氣和神
躡躍修真眞淨性玲瓏專心學道
須通道堅志修仙決遇仙誰知
神秀過才秀我覺心明勝眼明心
沒攀緣神彩秀氣無凝滯性
靈圓水中焰迸三丹結火裏蓮生
一性靈學道男兒無我相修
仙烈士没人情志上博來心上悟
道中通得妙中玄夢裏曾收
無影劍法中去了有情心塵中無
染心中悟道上通玄性上靈
陰裏藏陽陽烜赫命中養性性玲
瓏學道須憑心決烈修仙全

道藏輯要

洞玄金玉集

五

胃集六

在志堅剛石女吹簫鸞鳳舞泥牛入海
虎龍和玲瓏玉姹敲龍
角惺灑金嬰跨虎腰瑤池殿下青鸞舞
闔苑宮中白鶴飛袖裏
青蛇三尺劍腹中白虎九還丹青霞宮
裏收紅雪碧玉巖前賞
赤松心清意淨天堂路意亂心荒地獄
門幹旋決仗無爲力造
化全憑清淨功一袖拂開沙世界三丹
結正大羅仙捉住亘初
靈底物得觀元始本來眞六六陰消丹
燦燦三三陽聚性靈靈
雲根水骨歸金鼎汞髓鉛精聚玉爐速
把我人山放倒急將龍
虎穴衝開踏碎龜蛇眞活計和調龍虎
好生涯若要姹嬰雙戲
鼎須教日月兩同宮鼎內精金生五彩
爐中美玉結三光兔走
烏飛投氣海龍吟虎嘯入神京心猿緊
鎖丹無漏意馬牢擒性